

Powšitkowne WOZJEWJENJA

njedźelu, 12. januara 2025

Zahajenje Swjateho lěta tutu njedźelu w Róžeńće

Wosebity nyšpor k zahajenju Swjateho lěta za wěriwych ze wšěch serbskich wosadow budže tutu njedźelu, 12. januara, w 14.00 hodź. w Róžeńčanskej swjatnicy. Wšitcy su wutrobnje přeprošeni.

Pišćelowy nyšpor w Chróšćicach

Pišćelowy nyšpor z mjezynarodnje koncertowacym dorostowym serbskim organistom Johannesom Krahlom budže njedźelu, 19. januara, w 17.00 hodź. w Chróšćanskej wosadneje cyrkwi. Zastup je darmotny, při durjach budže zběrka. Organist pochadza z Dobranec a skutkuje tučasnje w Lipsku a Greifswaldze. Wšitcy zajimcy su přeprošeni.

Nyšpor składnostnje 100. posmjertnin tachanta Jakuba Skale

Składnostnje 100. posmjertnin serbskeho tachanta Jakuba Skale přeprašujetej Towarstwo Cyrila a Metoda z.t. a Maćica Serbska wěriwych na wopomnjenski nyšpor do Budyskeje tachantskeje cyrkwe. Tón budže njedźelu, 19. januara, w 14.00 hodź. Přizamknjetej so spominanje při jeho rowje na Mikławšku a zhromadna swačina na tachantskej farje.

Na swjedžen swjateho Bosćana

Chróšćanske Bratstwo swjateho Bosćana přeprašuje svojich člonow a zajimcow, so pónđzelu, 20. januara, na swjatočnych kemšach w 9.00 hodź. a na nyšporje w 14.00 hodź. w Chróšćanskej cyrkwi wobdźělić. Přizamknje so hlowna zhromadizna na farje. Štóz chcył Bratstwu přistupić, měł so w farskim běrowje přizjewić, telefonowe čisło (03 57 96) 80 400.

Chorych a mrějacych přewodźeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju ćežkochorych a mrějacych. Štóz chcył wukubłanje absolwować, měł so pola hospicneje služby Carity w Kamjencu přizjewić. Link k nadrobnym informacijam je pod www.posol.de podaty.

Putniska jězba do Lourdesa a La Salette

Na putnisku jězbu do Lourdesa a La Salette wot pjatka do njedźele, 16. do 25. meje, přeprašuje Šěrachowski pućowanski běrow A-Teams. Wobdźělnicy wopytaja mjez druhim tež Monaco a Avignon. Dalše informacije a přizjewjenja dóstanu zajimcy pola Matthiasa Hadanka w Hórkach pod telefonowym čislom (01 63) 7 33 82 05 abo w interneće pod www.ateams.de.

Zwukowa instalacija znowa přistupna

Spirituelnu zwukowu instalaciju wo psalmje 23 móža wopytwarjo po lěće 2021 znowa w Rakečanskej ewangelskej cyrkwi dožiwić. Wona je hač do njedźele, 2. februara, přistupna. Psalm wo dobrym pastyrju předstajeja w modernym wobdźělanju a ze swětłowymi efektami. Wopytwarjo smědža so, na hudźbu słuchajo, po cyrkwi pohibować. Boži dom je wšědnje wot 9.00 do 20.00 hodź. přistupny.

Zarjadnistwo w dwěmaj wosadomaj nawjedować

Drježdžansko-Mišnjanske biskopstwo pyta ručež móžno wosobu, kotraž by zarjadnistwo w Kamjenskej wosadze swjateje Marje Madleny a zdobom Šerachowskeje wosady swjateje Marije donjebjeswzaća nawjedowała. Při tym jedna so wo poľne džěłowe městno, kotrež njeje časowje wobmjezowane. Zajimcy měli hač do póndže, 27. januara, swoje podložki biskopskemu ordinariatej w Drježdžanach sposrědkować. Adresa a nadrobne wupisanje stej pod www.posol.de wozjewjenej.

Wustajeńca wo Božich narodkach zaso přistupna

W putniskej hospodze w Hirschfeldze su hač do swjědženja Předstajenja Knjeza, pjatk, 2. februara, zaso Bože narodki wustajene. Wustajeńca Božich narodkow je jeničce z wodženjom přistupna. Tajke poskićuja kóždy sobotu w 14.00 hodź. Snadnjeje wulkosće domu dla měli so zajimcy na kóždy pad přizjewić. Ale tež wosebite wodženja za skupiny z minimalnje sydom wosobami su móžne. Zajimcy měli so telefonisce ze Jeannette Gosteli dojednać, a to z mejlku na info@pilgerhaeusl.de abo telefonisce pod čisłom (01 75) 4 08 59 97. Link k nadrobnišim informacijam kaž tež terminy wodženjow su pod www.posol.de podate.